

**SKUPŠTINA HERCEGOVAČKO-  
NERETVANSKOG KANTONA**

460

Na osnovu člana 39. Ustava Hercegovačko-neretvanskog kantona ("Službene novine HNK", broj: 2/98, 4/00 i 7/04), Skupština Hercegovačko-neretvanskog kantona je, na sjednici održanoj 10.11.2015. godine, donijela

**ZAKON  
O IZMJENAMA I DOPUNAMA ZAKONA O  
UGOSTITELJSKOJ DJELATNOSI**

**Član 1.**

U Zakonu o ugostiteljskoj djelatnosti („Službene novine HNK“, broj: 3/11 i 1/13) u članu 26. stav 1. tačka a) brišu se riječi: „jedinstveni matični broj“

**Član 2.**

U članu 36. stav 1. mijenja se i glasi: „Ministarstvo po službenoj dužnosti svakih šest godina provodi ponovnu kategorizaciju smještajnih objekata.“

**Član 3.**

U članu 38. briše se stav 2. i 3.

**Član 4.**

Iza člana 38. dodaje se član 38.a koji glasi:

Stav (1) „Ukoliko za poslovni prostor nije izdana upotrebna dozvola potrebno je dostaviti elaborat o ispravnosti elektroinstalacija i elaborat zaštite od požara.“

Stav (2) „Rješenje iz člana 35. stav 1., 2. i 3. izdat će se ugostitelju ako je za poslovni prostor podnesen zahtjev za legalizaciju nadležnom organu privremeno, a najduže dvije godine s mogućnošću dva produženja.“

**Član 5.**

Iza člana 40. dodaje se član 40.a koji glasi:

„(1) Ministarstvo na zahtjev ugostitelja izdaje Rješenje o odobrenju za rad za ugostiteljski objekt za smještaj za koji su utvrđeni minimalni uvjeti i kategorija.

(2) Rješenje iz stava 1. ovog člana se upisuje u Registar izdanih rješenja.

(3) Ministar će propisati oblik, sadržaj i način vođenja Registra.“

**Član 6.**

Iza člana 40. dodaje se član 40.b koji glasi: „Rješenje kojim se odobrava osnivanje ugostiteljskog objekta za smještaj sadrži:

- a) ime i prezime i adresu prebivališta podnositelja zahtjeva,
- b) naziv ugostiteljskog objekta za smještaj,
- c) mjesto, ulicu i broj objekta u kojem se pružaju usluge smještaja,
- d) vrstu usluga koje se pružaju,
- e) oznaku za kategoriju ugostiteljskog objekta
- f) naznaku o pružanju usluga tokom cijele godine ili sezonski.“

**Član 7.**

Iza člana 40.b dodaje se član 40.c koji glasi:

„(1) Rješenje iz člana 40.a ovog Zakona prestaje važiti:

- a) ako ugostitelj u ugostiteljskom objektu ne počne s radom u roku od 6 (šest) mjeseci od dana pravosnažnosti rješenja,
- b) ako se utvrdi da je ugostitelj prestao ispunjavati neke od uvjeta propisanih ovim Zakonom i drugim propisima,
- c) odjavom obavljanja djelatnosti u ugostiteljskom objektu koja se vrši pisanim putem prije prestanka rada kod Ministarstva (ako u odjavi nije naznačen datum prestanka obavljanja djelatnosti, prestanak se utvrđuje danom podnošenja zahtjeva s tim što se prestanak obavljanja ugostiteljske djelatnosti ne može odjaviti unatrag).

(2) O prestanku važenja rješenja iz stava 1. ovog člana, Ministarstvo donosi rješenje.

(3) Rješenja iz stava 2. ovog člana upisuje se u Registar iz člana 35. stav 4. i 5. ovog Zakona.“

**Član 8.**

U članu 45. stav 3. mijenja se i glasi:

„Rješenje iz člana 42. stava 2. izdat će se fizičkom licu u domaćinstvu i ako je za objekat podnesen zahtjev za legalizaciju nadležnom organu privremeno, najduže dvije godine s mogućnošću dva produženja.“

U članu 45. stav 4. mijenja se i glasi:

„Ukoliko za poslovni prostor nije izdana upotrebna dozvola potrebno je dostaviti elaborat o ispravnosti elektroinstalacija i elaborat zaštite od požara.“

**Član 9.**

U članu 47. stav 1. tačka a) brišu se riječi: „jedinstveni matični broj“

## Član 10.

U članu 62. stav 3. mijenja se i glasi:

„Za prekršaje iz stava 1. ovog člana kaznit će se fizičko lice novčanom kaznom u iznosu od 500,00 KM do 1.500,00 KM.“

## Član 11.

U članu 63. stav 1. riječi: „Novčanom kaznom od 1.000,00 KM do 10.000,00 KM“ zamjenjuju se riječima: „Novčanom kaznom od 1.500,00 do 15.000,00 KM.“

U istom članu stav 2. mijenja se i glasi:

„Za prekršaje iz stava 1. ovog člana kaznit će se i odgovorno lice u pravnom licu novčanom kaznom od 1.000,00 KM do 3.000,00 KM.“

U istom članu stav 3. mijenja se i glasi:

„Za prekršaje iz stava 1. ovog člana kaznit će se fizičko lice novčanom kaznom u iznosu od 500,00 KM do 1.500,00 KM.“

## Član 12.

U članu 64. stav 1. riječi: „Novčanom kaznom od 500,00 KM do 5.000,00 KM“ zamjenjuju se riječima: „Novčanom kaznom od 1.000,00 do 10.000,00 KM“

U istom članu stav 2. mijenja se i glasi: „Za prekršaje iz stava 1. ovog člana kaznit će se i odgovorno lice u pravnom licu novčanom kaznom od 500,00 KM do 2.000,00 KM.“

U istom članu stav 3. mijenja se i glasi: „Za prekršaje iz stava 1. ovog člana kaznit će se fizičko lice novčanom kaznom u iznosu od 500,00 KM do 1.500,00 KM.“

## Član 13.

U članu 66. stav 1. riječi: „Novčanom kaznom od 150,00 KM do 1.500,00 KM“ zamjenjuju se riječima: „Novčanom kaznom od 500,00 do 1.500,00 KM“

## Član 14.

U članu 68. stav 1. riječi: „Novčanom kaznom od 50,00 KM do 500,00 KM“ zamjenjuju se riječima: „Novčanom kaznom od 100,00 KM do 1.000,00 KM“

## Član 15.

Član 69. mijenja se i glasi:

„Novčanom kaznom za ne postupanje po rješenju inspektora (član 57. Stav 2.) kaznit će se:

- pravno lice novčanom kaznom od 3.000,00 KM do 15.000,00 KM,

- odgovorno lice u pravnom licu novčanom kaznom od 1.000,00 KM do 3.000,00 KM,

- fizičko lice novčanom kaznom od 1.000,00 KM do 3.000,00 KM.

## Član 16.

Ovaj Zakon stupa na snagu narednog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
S K U P Š T I N A

Broj: 02-01-IX-233/15  
Mostar, 10.11.2015. godine

P R E D S J E D A V A J U Ć I  
Šerif Špago, s.r.

461

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona je na 9. sjednici, održanoj 10.11.2015. godine, donijela

**Z A K O N**  
**O IZMJENI ZAKONA O POREZU NA**  
**PROMET NEKRETNINA HERCEGOVAČKO-**  
**NERETVANSKOG KANTONA**

## Član 1.

U Zakonu o porezu na promet nekretnina Hercegovačko-neretvanskog kantona („Službene novine HNK“, broj: 8/00, 5/04, 11/08, 5/12 i 7/12), u članu 6. u stavu 1. tačka 13. briše se.

## Član 2.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
S K U P Š T I N A

Broj: 02-01-IX-234/15  
Mostar, 10.11.2015. godine

P R E D S J E D A V A J U Ć I  
Šerif Špago, s.r.